



Na osnovu Zakona o filmskoj djelatnosti ("Službene novine Kantona Sarajevo", br. 07/01 i 45/21), člana 15. Uredbe o dodijeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22) i Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva kulture i sporta za 2023. godinu ("Službene novine Kantona Sarajevo", broj 18/23), Ministar kulture i sporta Kantona Sarajevo donosi

U P U T S T V O

za podnosiocе prijava na Javni poziv za predlaganje projekata za sufinansiranje proizvodnje dugometražnog filma, kratkog filma i razvoja dramskih serija iz sredstava Ministarstva kulture i sporta Kantona Sarajevo

Korisnici sredstava mogu biti udruženja i pravna lica registrirana za obavljanje filmske i video djelatnosti sa sjedištem u Kantonu Sarajevo – producenti (u daljem tekstu: Korisnik) koji ispunjavaju opće i posebne kriterije utvrđene javnim pozivom Ministarstva koji se objavljuje na web stranici Ministarstva i u jednom od dnevnih listova na teritoriji FBiH nakon donošenja Programa utroška sredstava za tekuću godinu.

Korisnici sredstava ne mogu biti:

- a) fizička lica;
- b) kantonalne javne ustanove koje imaju poziciju u Budžetu Kantona Sarajevo;
- c) pravna lica osnovana radi sticanja profita, izuzev subjekata iz stava (1);
- d) pravna lica sa sjedištem izvan Kantona Sarajevo i pojedinci sa prebivalištem izvan Kantona Sarajevo, osim ukoliko je njihov projekat od interesa za Kanton Sarajevo ili se njihov projekat realizuje na području Kantona Sarajevo;
- e) lice ovlašteno za zastupanje ili voditelj aktivnosti/programa projekta protiv kojeg se vodi krivični postupak ili je pravosnažno osuđen za prekršaj i/ili počinjenje krivičnog djela;
- f) udruženja i pravna lica osnovana u periodu od godinu dana prije objavljivanja javnog poziva;
- g) udruženja i pravna lica koji su u sukobu interesa;
- h) udruženja i pravna lica koji nisu ispunili ugovorene obaveze ili opravdali financijska sredstva odobrena iz Budžeta Ministarstva kulture i sporta Kantona Sarajevo po ranijim javnim pozivima Ministarstva kulture i sporta Kantona Sarajevo.

Vrste autorskog rada i profesionalnih aktivnosti, kao programa i projekata koji se financiraju iz Budžeta Kantona Sarajevo, a koje predstavljaju osnov za korištenje sredstava su:

- a) igrani film,
- b) dokumentarni film,
- c) animirani film,
- d) eksperimentalne filmske forme i
- e) razvoj dramske serije.

Korisnik se obavezuje da će u svim prilikama u kojima je moguće naglasiti ovu vrstu podrške u svojim promotivnim medijskim nastupima.

Način apliciranja:

1. Aplikacija treba sadržati prijavni obrazac popunjen elektronski Obrazac **12-11-JPF-1** (*original*) (formulari popunjeni ručno neće biti uzeti u razmatranje) i dostavljen u printanoj verziji (potpisan i ovjeren pečatom) te dokaze o ispunjenju općih i posebnih uslova za apliciranje.
2. Formular aplikacije će biti dostupan u elektronskoj verziji na web stranici Ministarstva kulture i sporta Kantona Sarajevo.
3. Aplikanti su obavezni materijal dostaviti u printanoj formi. Bilo kakav nedostatak u aplikaciji može dovesti do odbijanja aplikacije.
4. Adresa za dostavu aplikacija: Ministarstvo kulture i sporta Kantona Sarajevo, ulica Reisa Džemaludina Čauševića 1, 71000 Sarajevo.
5. Aplikacije dostavljene na bilo koji drugi način (e-mail ili fax) neće biti uzete u razmatranje. Ne dostavljati dokumentaciju koja se ne traži u Javnom pozivu jer ista neće biti uzeta u razmatranje.
6. Na koverti treba biti naznačen puni naziv javnog poziva po osnovu kojeg se dostavlja aplikacija, (prijava na Javni poziv za predlaganje projekata za sufinansiranje proizvodnje dugometražnog filma, kratkog filma i razvoj dramskih serija iz sredstava Ministarstva kulture i sporta Kantona Sarajevo za 2023. godinu), puni naziv (ime i adresa) aplikanta.
7. Krajnji rok za podnošenje aplikacije je datum naznačen u javnom pozivu, a što se evidentira uvidom u datum pečata ili u slučaju ličnog dostavljanja na protokol Kantona Sarajevo. Sve aplikacije primljene poslije navedenog datuma neće biti uzete u razmatranje.

U slučajevima sumnje ili nejasnoća na sva eventualna pitanja odgovarajuće se primjenjuju odredbe Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", broj 22/21 i 13/22) i Pravilnika o procedurama i kriterijima za izbor korisnika sredstava za sufinansiranje proizvodnje dugometražnog filma, kratkog filma i razvoja dramskih serija iz sredstava Ministarstva kulture i sporta Kantona Sarajevo ("Službene novine Kantona Sarajevo", broj 14/23).

Broj: 12-11-39930-1/23

MINISTAR

Datum: 11.09.2023. godine

Kenan Magoda

